

Broj: 03 28-7-22-3/21
Datum: 18.03.2021. godine

Bosna i Hercegovina
FEDERACIJA BOSNE I HERCEGOVINE
OPĆINA LUKAVAC
N/r Načelnika općine

Predmet: Obavijest o provođenju Ankete o potrošnji domaćinstava/kućanstava u BiH 2021/2022

Poštovani,

Prema Zakonu o statistici u Federaciji Bosne i Hercegovine („Službene novine Federacije Bosne i Hercegovine“, br. 63/03 i 9/09) i u skladu sa Godišnjim planom provođenja statističkih istraživanja u Federaciji Bosne i Hercegovine za 2021. godinu, Federalni zavod za statistiku će provoditi Anketu o potrošnji domaćinstava/kućanstava u BiH 2021/2022.

Anketa o potrošnji domaćinstava/kućanstava u BiH je statističko istraživanje kojim se od izabranih domaćinstava/kućanstava prikupljaju podaci o izdacima za potrošnju, potrošnji iz vlastite proizvodnje, investiranju i prihodima domaćinstava. Istovremeno, anketom se prikupljaju i podaci o važnijim pokazateljima životnog standarda, kao i podaci o osnovnim demografskim, ekonomskim i socijalnim karakteristikama domaćinstava/kućanstava.

Na temelju podataka prikupljenih ovom anketom izračunavat će se veličina i struktura prosječne mjesečne i godišnje potrošnje domaćinstava/kućanstava u Federaciji BiH i Bosni i Hercegovini kao cjelini. Podaci o izdacima za hranu, odjeću, obuću, stanovanje, kupovinu trajnih potrošnih dobara, osobne usluge i drugi podaci će biti podloga za mjerenje osobne potrošnje domaćinstava/kućanstava i investiranja domaćinstava/kućanstava na ukupnom nivou/razini, te za druge socio-ekonomske analize. Time će se učiniti značajan doprinos u razvoju statističkog sistema/sustava u Bosni i Hercegovini sukladno sa europskim i međunarodnim standardima.

Anketa će se provoditi od 01.04.2021. do 31.03.2022. godine, s tim što se svakog mjeseca domaćinstva/kućanstva mijenjaju. U Federaciji Bosne i Hercegovine će biti anketirano 5.488 domaćinstava/kućanstava koja će biti izabrana metodom slučajnog odabira, u svim općinama Federacije BiH.

Ukoliko budete imali bilo kakvih pitanja u vezi ove ankete, možete se obratiti osobama zaduženim za provođenje ovog istraživanja u Federalnom zavodu za statistiku na telefon broj 033 407 032 lokal 246 i 033 407 036 lokal 349, email: fedstat@fzs.ba.

S poštovanjem,



P. Đ. DIREKTOR - 2
Emir Krečić
Doc. dr Emir Krečić